



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dormi Secvre: Vel Cynosvra Professorvm Ac Stvdiosorvm Eloqventiæ,

in qua Centvm Et Viginti Themata Oratoria. Non Solvm Stvdiosis, Sed &
Professoribus eloquentiæ, ac pietatis veræ amantibus utilissima &
pernecessaria explicantur ; Cum Indice rerum atq[ue] verborum locupleti

Tympe, Matthäus

Coloniæ Agrippinæ, 1650

XI. Ingenuum dedecere adolescentem, contra Magistri mandatum, aquas
lavandè gratia, seu ut lavetur, ingredi.

urn:nbn:de:hbz:466:1-39028

NON ESSE INTR. AQUAS. LAV. GRAT. 25

XI. INGENVVM DEDECERE ADO-
lescentem, contra Magistri mandatum, aquas
lavandi gratia, seu ut lavetur,
ingredi.

EXORDIUM: Homines paulò prudentiores ab
iis se rebus facilè abduci patiuntur, quæ cum a-
liqua turpitudinis labe periculoque quopiam sunt
conjunctæ.

PROPOSITIO: Cùm tuos in liberalibus studiis
locios ab aquarum hoc tempore ingressu cupias
esse alienissimos, tibi propositum esse affirmabis,
& insignem turpitudinem, & haud exigua pericu-
la illi inesse declarare.

CONFIRMATIONIS I. RATIO à fine vestium.

Primi parentes nostri quanto quidè tempore in-
ditam sibi à Deo justitiam sartam tectam conser-
vabant, nullius vestium usus ipsis serviebat: post-
eaquam verò sese peccato obstrinxerunt, ad aspe-
ctum suæ nuditatis verecundiam conceperunt,
vestesque necessarias consuerunt, ad eandem ob-
tegendam. Iam verò quantæ dementiæ est, hanc
primorum parentum prudentiam spernere? quan-
tæ impudentiæ vestes remove, ac nudum in ali-
orum se conspectum dare? *Amplificari à minori:*
Apud *Ægyptios* nudatis solum pedibus in publicum
prodire nefas censebatur: *Persis* capitale fuit nudū
hominem conspexisse. Quod supplicium igitur sa-
tis dignum constitueretur in Christianos, eos, qui
cunctis sese integumentis evoluunt, sicq; non ho-
minum duntaxat, sed & cœlestium Spirituum, &
immortalis Dei conspectum subeunt? confer il-
lorum Ethnicorum utilitatem cum Christianorū
præstantia; & hominum, quos illi verebantur, hu-
militatem cum præpotentis Dei Majestate,

II. Dedecet hæc res juventutem, quòd in ea Ma-
gistorum imperia spernantur, quæ summa religi-
one

one observanda forent: quia S. Paulus nos monet, ut Præpositis nostris obediamus, & authore Philone, præcipua discipulorum virtus est, Magistro obtemperare, eumque imitari. Hoc enim Præceptorum in discipulos charitas, immensique labores jure ab ipsis postulant, & requirunt. Eam obedientiam Magistris negare, quæ tanto jure debetur nequaquam liberaliter nati atque educati adolescentis esse asseres.) *Vide Q. Curtium de Alexandro Magno, & Jovium de infelici casu Friderici Imp. Germ.*)

III. *ab adjuncto periculo.* Cùm fieri sæpenumerò solet, ut vel in voragines ejusmodi balneatores incidant, vel fluminis vi abripiantur, vel spasmus ipsos invadat, sæpè etiam usu venit, ut aquis suffocentur. Cujus rei gravitatem ex eo ostendes. PRIMÒ, quòd tali nuntio parentibus amicisq; nullus atrocior queat accidere: cùm quòd plurimi sumptus adhibiti in studia perierint; tum vel maximè quòd charissimis ipsis pignoribus sit carendũ. SECUNDÒ, quòd præsens perpetuæ damnationis periculum incuratur, dum superiorum mandata cõtumaciter spernuntur, dumq; nullum suppetit otium aliquem suorum peccatorum doloris sensum admittendi.

In CONCLUSIONE monebis Auditores, ut verecundiæ & pudoris memores, ad animum sæpius suum revocent, quàm id Christianis indignum sit, si ab Ethnicis honestate vincantur: quàm æquum sit audientem sese Præceptorum mandatis præbere: quantum prudentem deceat hominem periculorum occasionem declinare. Ad des potius, si necessitas sit, balneis sese calidis committant, sicque periculum omne, aliquam etiam turpitudinis partem effugiant.